

სახალხო გაზეთი



სურათებიანი დამატება

გაზეთის № 242.

კვირა, | მაისი 1911 წ.

დამატების № 51

საფულები!

ერთი მრავალთაგანი ამბები

ვანიკო კუკიაშვილი ოცდა ორის წლის ვაჟ-კაცი იყო მამა რომ მოუკვდა. პირველ ხანს როგორღაც უხერხულად გრძნობდა თავს; ვერ წარმოედგინა, რომ ის ესხლა თავისუფალია, არა ჰყავს ბრძანებელი, დამტუქსველი, მზრუნველი ღმერთისი და არ იცოდა, როგორ მოქცეულიყო.

ზაალ კუკიაშვილი, მამა ვანიკოსი, რიხიანი კაცი იყო, თავისი ოჯახის თავი და ბრძანებელი. უიმისოდ სახლში წყალს თავს ვერაფერ წაუქცევდა. ვანიკო და იმისი მომდევნო და ანიკო შინიდან კარში თავს ვერ გამოჰყოფდნენ მამის დაუკითხავად და თუ გაერეოდნენ ოდესმე საგვარეულო კირში და ან ლხინში, დანიშნულ დროს უნდა დაბრუნებულიყვნენ სახლში, თითონ ზაალს კი არ უყვარდა აქა-იქ „ტუნტული“, როგორც ის იტყოდა ხოლმე, ყოველგვარ წვეულობაზე და ლხინზე და არც არავის თავის სახლში მოიწვევდა ხოლმე თავის დღეში.

ზაალს ურჩობა არ უყვარდა და ბავშვობიდანვე მორჩილებაში აღზარდა შვილები და ისინიც ემორჩილებოდნენ ძალას, უპროტესტოდ ზიდავდნენ თავიანთ ხვედრს. ტანთსაცმელი რა არის, ტანთსაცმელიც კი ზაალს უნდა ეყიდნა თავის 18 წლის ქალისთვის და ოცდა ორის წლის ვაჟ-

კაცისთვის.—საწყობი!—იტყოდა ხოლმე ვანიკოს, და ანიკოს აღმზიდელი და მოამაგე კოჭლი მამიდა თითიკო, როცა დატუქსული და უბრალოდ გაბიებრიბული და—ძმა, უჩუმრად მოიყუებოდნენ ხოლმე იმის ოთახში.

ვანიკოც და ანიკოც, როგორც უმრავლესობა ჩვენის თავად-აზნაურთა შვილებისა, ნახევრად უსწავლელები იყვნენ. ვანიკომ სათავად-აზნაურო სკოლისა მხოლოდ ოთხი კლასი განვლო. ანიკომ წმ. ნინოს სასწავლებელში თუმცა მეექვსეც

დაასრულა, მაგრამ რუსულის ლაპარაკის გარდა, ვერაფერი ვერ გამოიტანა და ორი-სამი წლის განმავლობაში კუკიანთ-კარში ჯდომის დროს, ეს რუსული ლაპარაკიც თითქმის დაივიწყა.

ერთიც და, მეორეც სხვა ოჯახში, სხვა მამის ხელში იქნება ცოტაოდნად თვალ ახილულნი, მოძრავნი, მოფიქრებულნი ყოფილიყვნენ, მაგრამ ზაალმა თავისის უძველესის მამობრივის უფლებების ძალმომრეობით, ძალზე დასჩაგრა ეს ბალები, მით უმეტეს, რომ დედა ადრე მოუკვდათ და მოსარჩლე და დამცველი მამის დესპოტიისაგან არაფერ გააჩნდათ, თუ მხედველობაში არ მივიღებთ კოჭლ თითიკო მამას, რომელიც თავის ძმის ზაალისაგან თავის ძმისწულე-



თამარ მამუ, მისი სახელწოდების დღის გამო.

ზე ადრე იყო დაჩაგრული და პიროვნება წართმეული. თითიკო მხოლოდ ჩუმად დაღვრიდა ხოლმე ცრემლებს და ჩურჩულით ეტყოდა ზაალს: „რავექნათ, რავექნათ. უმფროსია უნდა მოუთმინოთ, უნდა მოუთმინოთ!“ და სუყველანი ერთად ითმენდნენ და ისე შეეჩვივნენ მოთმენას და სხვის ხელით ტრიალს, რომ, ერთ მშვენიერ შემოდგომის დღეს, როდესაც ზაალი ახლად დადუღებულის მაქრით შეზარხოშებული და თხის ხორციით გამაძღარი უკვებ გარდაიცვალა, არ იცოდნენ რა ექმნათ, რა განკარგულება მოეხდინათ, საიდან დეეწყოთ ოჯახის მართვა-პატრონობა და თავდარიგი.

სოფლის მღვდელს რომ არ ესესხებინა ცოტაოდენი ფული და ქელეხის სარისტიც თითონვე იმ მღვდელს არ

მოეწყო, შვილები და და ვერაფერს ვერ მოახერხებდნენ და საქლესხოდ მომსკდარს აუარებელ ხალხს პირუზოდ გაისტუმრებდნენ. მამულის შემოსავალი, იმიო ავ-კარგიანობის ცოდნა ხომ სიზმრათაც არ მოსჩვენებიათ ზაალის შემკვიდრებებს. იმათ წარმოდგენითაც არ იცოდნენ, თუ რა წყაროთი სარგებლობდა ზაალი იმათ საცხოვრებლად. მართალია, იმათი ცხოვრება არ იყო რთული და ფუფუნებრივი, მაგრამ მაინც

1871



მკ. გაბაშვილიძე, უკანასკნელი სურათი.

მკ. გაბაშვილიძე, ბებიით.
სურათი გადაღებულია 1860 წელს.

მკ. გაბაშვილიძე, 23 წლ.
მკ. გაბაშვილიძე, მისი მეოთხედი
სკოლის
მკ. გაბაშვილიძე, კმრით და შ
ბულია

1911



ძველი ვაჟი-შვილით.
პარსებულ ტრა-კერვის კალთა
ცეცებთან.
შვილებით, სურათი გადაღ-
წელს.

ეკ. გაბაშვილისა, ოცდა ერთი წლისა.
სურათი გადაღებულია 1881 წელს.
ეკ. გაბაშვილისა, 41 წლისა.



ტფ. ქართ. საამხანაგო მომღერალ-მგალობელთა გუნდი შედგენილი მიხ.ჭკავასაძის მიერ—მო-
მავალ კონცერტების გამო დასავლეთ საქართველოში.

ცხოვრება იყო; და ესენი კი არ სცდილობდნენ იმის შეტყობას.

ის კი ყურმოკვრით გაგონილი ჰქონდათ და-ძმას, რომ მამა-პაპეული მამული ზაალ კუქნიაშვილს ბანკში დაგირაფებული არა ჰქონდა, მაშინ როდესაც მთელი კუქნიანთ გვარეულობის მამული დაგირაფებული კი არა, გადაგირაფებულიც რამდენჯერმე იყო.

ზაალი დიდი მტერი იყო ბანკებისა.—ვაჟო,—იტყოდა ხოლმე ის ხშირად, როდესაც მამულის დაგირაფებას ურჩევდა ვინმე,—ე ოხერი მამულის შემოსავლით ძლივს ვცხოვრობთ და ბანკის სარგებელი საიდგანა უნდა გადვიხადო? ვნახოთ, მოსავალი დაგვისეტყვა, კალიამ მოგვიძოვა ჩვენი სარჩო-საბადებელი! მაშინ ხომ ჩაქუჩი დაგვიკრეს და მამული გაგვიყიდეს? არა, შეილოსან, არა! მე ჩემს მამულს ჩემის ხელით წყალს ვერ მივცემ.

და აი ამ ორ თვალ აუხილელ ობლებს, ეწვიათ სწორედ მამის ორმოცის წირვის დროს, ვიღაც შორეული ნათესავი, ლაზათიანად მორთულ-მოკაზმული, ლაზათიანის შეხედულობის თავადი სვიმონ ბაადურისშვილი.

საიდან იყო ბაადურისშვილი კუქნიანთ ნათესავი, სწორედ არავინ იცოდა, მაგრამ თითონ ბაადურისშვილი კი ნამდვილ ნათესავად გრძნობდა თავის თავს კუქნიანთ ოჯახში. ზაალის წირვის შემდეგ, იმან მკვიდრად მოიკალათა სახლში და დაუბატოებლად მიჰყო ხელი საწყალი ობლების აპეკუნობას.

— ვანიკოჯან, რას მობუზულხარ, რას შეგიყვია ხელები ჩოხის სახელოებში და თავ-ჩაღუნული დახვალ?! მარ-

თალია, მამაშენი შესანიშნავი კაცი იყო (აქ ეშმაკურად გაიღიმა სვიმონმა), ოჯახისა დიდი ბურჯი, მაგრამ გამოტეხით უნდა გითხრათ, რომ თქვენ კი დიდად უსამართლოდ მოგექცათ, შეგამწყვდიათ ამ უდაზნოში, ამ მივარდნილ ლამისყანაში და წუთი-სოფელი არ გიჩვენათ. რა ხართ, ვინ ხართ? რა გინახავთ, რა იცით?—დიდის გულმტკივნეულობით და ნათესაურის ალგრსით ეუბნებოდა ბაადურისშვილი ობლებს, ზაალის ორმოცის წირვის შემორე დღეს.

— განა თქვენი ცხოვრება ცხოვრებაა? აბა ერთი აქეთ-იქით მიიხედ-მოიხედეთ, თავადიშვილები კი არა, უკანასკნელი დიაკვანის შვილებიც არ იკადრებენ თქვენისთანა ცხოვრებას! არც რიგიანი სახლი, არც ავეჯი; არც საჯდომი ცხენი, არც გაწვრთნილი მოსამსახურე! დილას თქვენ, ვითომდა მზარეულ, ხეპრე პაპუნას, ცხენი ვთხოვე, მინდოდა თქვენ სახლი-კაცებთან გამესიერნა და ვეებერთელა კვიციანი ფაშატი მომგვარა.—ბატონი ულაყებს არ ინახავდაო, „ძვირადაც ღირსო და დიდი მოვლაც უნდაო“. წამოიყროყინა და თან ჩოხის კალთით ცხვირი მოიწმინდა.

(დასასრული იქნება)

ეკ. გაბაშვილისა.

